

Miss. Th. 823-13  
IESVITOGRAPHIA.

*Hoc est:*

BREVIS DE  
SCRIPTIO

Sectæ Iesuiticæ.



A N N O

---

M D C X I X.





*JESUITOGRAPHIA.*



**Q**UARENTAS civitates,  
Vbi sunt commoditates,  
Semper quærunt ipsi Patres:

Claras ædes, bonum vinum,  
Bonum panem, bonum lignum,  
Et pallium tempestivum:

Indiæ galli, capones,  
Turdi, lepores, pavones,  
Sunt horum Patrum bucones.

Pingui carne vitulinâ,  
Non bovinâ, sed ovinâ,  
Horum plena est coquina.

Ambiunt ubique primum;  
Non admittunt peregrinum;  
Nec surgunt ad matutinum.

Vivunt unâ Ioviales,  
Dies agunt feriales,  
Quos optarent esse tales.

In singulos speculantur,  
Et ubique perscrutantur,  
Quid vel agant, vel loquantur.

Confessores curiosi,  
Prædicatores verbosi,  
Et doctores fastuosi.

Soliciti de gloriâ  
Semper, & de pecuniâ,  
Et augendâ familiâ.

Summi sui laudatores,  
Aliorum despectores,  
Et omnium sunt censores.

Ex cohorte juventutis,  
Illos agunt blandimentis;  
In hos sæviunt tormentis.

Qui nobiles, qui formosi,  
Divites, ingeniosi,  
Sunt Iesuitis pretiosi.

Istos sibi prædestinant,  
In illos flagris cherissinant,  
Exercent carnificinam.

Si successio speratur,  
Hæc Societas lætatur;  
Et qui linquit, prædicatur.

Si cui caligant oculi,  
Circumstant ripam lectuli,  
Iesuitæ demùm Angeli.

Hi vel illi morituri,  
Sunt animam halaturi;  
Isti bonis potituri.

Ad illos institutio  
Spectat, vel substitutio,  
Vel delegata portio.

Nam semper ob causam piam,  
Ad augendam familiam,  
Detrahunt falcidiam.

Sunt audaces ad petendum,  
Prompti ad accipiendum,  
Habiles ad succedendum.

O' vulpinam sanctitatem!  
Prædicando charitatem,  
Subtrahunt hæreditatem.

Norunt blandâ cantilenâ,  
Cum Christianâ doctrinâ,  
Allicere aliena.

Heus bone, confitere;  
Et nostrî miserere,  
Si salutem vis habere.

Si quem contingit donâsse,  
Redde sæpè; semper tace.  
Absolvo te; vade in pace.

Nil habemus, ut videtis:

Date ea, quæ habetis;

Centuplum accipietis.

Hi periti mendicantes,

Sunt quasi nihil habentes;

Et omnia possidentes.

Eminent inter clericos,

Imperant inter laicos,

Excellunt inter aulicos.

Heu! qui ex istis patribus,

Spretis spiritualibus,

Incumbunt temporalibus.

Martem norunt animare,

Et tumultus suscitare

Inter Reges, & sedare.

In occulto multa jactant,

Quæ vel ipsum Papam celant:

Quid non istæ vulpes tentant?

Multa merè ridicula

Nobis velut oracula

Sua jactant miracula.

Versipelles, gloriosi,

Vltiores seditiosi,

Sunt isti religiosi.

Si illos petunt potentes  
Et opibus affluentes,  
Pedes habent diligentes.

Si quid quærant carcerati,  
Et opibus spoliati;  
Dicunt, sumus occupati.

Non hæc Iesus vos docuit,  
Cujus nomen sic placuit:  
Cur & vitam non induit?

Inter greges afflictorum  
Primus egit ille chorum,  
Turbam vitans superborum.

At Iesuitæ non hos greges;  
Sed solos sequuntur Reges,  
Ipsis & facturi leges.

Iesus, peram & sacculum,  
Dixit esse ridiculum,  
Velle ferre Apostolum.

At hi, quamvis in mammonâ  
De cathedrâ multa tönant;  
Ipsis æra semper sonant.

Domus, agros, uniones,  
Aureorum milliones,  
Habent isti nebulones.

Abba-

Abbatias, Prioratus,  
Habent & Episcopatus;  
Supereſt tantum Papatus.

Cum hoc faſtu dignitatis,  
Iunge votum paupertatis,  
Et decus immoſtatis.

Habent opes ſenectorum,  
Habent faſtum Miſpanorum,  
Imperium Romanorum.

Ergo ſancti venerantur;  
Ergo Reges dominantur;  
Ergo fures deprædantur.

Dominantur temporali;  
Dominantur ſpirituali;  
Dominantur omnibus malé.

*Vos qui cum Jeſu itis,  
Non ite cum Jeſuitis.*

